

Preambula

- Ky Kod, i cili mbështetet në standardet ekzistuese ndërkombëtare të praktikës së gazetarisë, mëton të shërbejë si bazë për sistemin vetërregullues i cili do të konsiderohet profesionalisht dhe moralisht i obligueshëm për gazetarë, reporterë, redaktorë, pronarë dhe botues të gazetave, portaleve dhe agjencive të lajmeve.
- Gazetarët dhe redaktorët do të respektojnë parimet etike në vijim dhe do të mbrojnë integritetin profesional të gazetarisë.
- Redaktorët dhe botuesit do të sigurojnë që i gjithë stafi të jetë i informuar për këtë Kod. Për më tepër, ata do të sigurojnë respektimin e të gjitha dispozitave të këtij Kodi.

I. Dispozitat e përgjithshme

1. Është detyrë e gazetarëve dhe e redaktorëve të respektojnë të drejtën e qytetarëve për informim me kohë dhe në plotëni. Gazetarët dhe redaktorët do të mbrojnë parimet e lirisë së informimit, të drejtën e komentimit të duhur dhe të gazetarisë kritike.
2. Gazetat, portalet dhe agjencitë e lajmeve në Kosovë do të respektojnë standardet ndërkombëtare të mirësjelljes dhe të diversitetit etnik, kulturor e fetar.
3. Gazetarët dhe redaktorët nuk do të inkurajojnë, qëllimisht apo tërthorazi, diskriminimin dhe jotolerancën.
4. Gazetarët nuk do të veprojnë si përfaqësues të opinionit publik. Mediat nuk mund t'i zëvendësojnë funksionet specifike të autoriteteve apo institucioneve publike.
5. Vëzhgimi kritik i implementimit të pushtetit politik dhe ekonomik do të jetë ndër obligimet qenësore të shtypit dhe portaleve.
6. Mediat do të tregojnë transparencë në çështjet e pronësisë dhe të menaxhimit, duke u mundësuar kështu qytetarëve të dinë se kush janë pronarët dhe cili është interesi i tyre ekonomik në media.

II. Raportimi i së vërtetës

1. Gjatë punës së tyre, gazetarët dhe redaktorët do ta respektojnë të vërtetën faktike dhe të drejtën e publikut që ta dijë të vërtetën.
2. Gazetarët dhe redaktorët, në parim, duhet të mbështeten në burime të identifikueshme të informacioneve.
3. Gazetat, portalet dhe agjencitë e lajmeve janë të obliguara të mbrojnë identitetin e atyre të cilët ofrojnë informacione në konfidencë, pavarësisht nëse këtë paraprakisht e kërkojnë apo jo.
4. Duhet të bëhet dallim i qartë ndërmjet lajmeve dhe opinionëve. Lajmi nënkupton informacion të përbërë nga faktet dhe të dhënat, kurse opinionin bart mendime, ide, besime apo gjykime vlerësuese nga ana e botuesve, gazetarëve dhe redaktorëve. Liria e shtypit përjashton shpifjen dhe fyerjen, nxitjen e urrejtjes racore, fetare, gjinore, etnike dhe kombtare, andaj këto ndalesa vlejné edhe për opinionin.

5. Gazetarët dhe redaktorët kanë obligim profesional që me kohë të korrigojnë çfarëdo informacioni të publikuar për të cilin vërtetohet së është i pasaktë.
6. Fotografitë dhe dokumentet nuk guxojnë të falsifikohen dhe/apo të shfrytëzohen për qëllime keqinformimi.
7. Gazetari nuk guxon të bëjë plagjiaturë dhe gjithmonë duhet të theksojë burimin e informacionit i cili është publikuar diku tjetër.

III. Nxitja dhe gjuha e urrejtjes

1. Gazetat, portalet dhe agjencitë e lajmeve në asnjë rrethanë nuk do të nxisin veprime kriminale apo të dhunshme.
2. Gazetat, portalet dhe agjencitë e lajmeve do të bëjnë gjithaçka në fuqinë e tyre për të mos nxitur apo ushqyer urrejtje dhe pabarazi duke:
 1. Trajtuar me paragjykim një individ apo grup mbi baza të përkatësisë etnike, fetare, gjinore, racore, martesore, të moshës apo paaftësisë fizike e mendore;
 2. Përdorur shprehje denigruese me qëllim të lëndimit dhe kërcënimit të një individ apo grupi mbi baza të përkatësisë etnike, fetare, gjinore, racore, martesore, të moshës apo paaftësisë fizike e mendore.
3. Referencat rreth përkatësisë etnike të një individ, referencat racore, fetare, gjinore, të orientimit seksual apo rreth paaftësisë fizike e mendore do të përmenden vetëm në rastet kur informacionet e tilla kanë rëndësi të drejtpërdrejtë për ngjarjen për të cilën raportohet.

IV. E drejta për t'u përgjigjur

1. Është obligim i gazetarëve, redaktorëve dhe i gazetave, portaleve e agjencive të lajmeve të botojnë reagime dhe/ose demante kur mediat publikojnë informata të pasakta për një individ apo organizatë.
2. E drejta për t'u përgjigjur do t'u mundësohet personave përkatës nëse botimi në fjalë përcakton që duhet të ndërmerret një hap i tillë për qëllime të korrektësisë dhe paanshmërisë. Duhet të ekzistojë mundësia për publikim të menjëhershëm të reagimit/përgjigjes në mediumin në fjalë.
3. Gjatë raportimit dhe komentimit të një ngjarjeje kundërthënëse, gazetat, portalet dhe agjencitë e lajmeve do të përpiqen t'i dëgjojnë dhe t'i përfaqësojnë të gjitha palët e përfshira. Nëse njëra palë refuzon t'i përgjigjet gazetarit, publikimi do të duhej ta theksojë këtë refuzim gjatë raportimit.

V. Personat e akuzuar për vepra penale

1. Gazetat, portalet dhe agjencitë e lajmeve nuk do ta trajtojnë asnjë individ si fajtor, para se diçka e tillë të konfirmohet nga gjykata.
2. Gazetarët dhe redaktorët janë të obliguar të mos prejudiojnë fajësinë e një personi të akuzuar.

VI. Mbrojtja e fëmijëve dhe të miturve

1. Gazetarët nuk do t'i intervistojnë apo fotografojnë fëmijët nën moshën 18-vjeçare rreth çështjeve që kanë të bëjnë me fjalë për familjen e tyre, pa pëlqimin e prindit apo të ndonjë të rrituri i cili është përgjegjës për fëmijën.
2. Gazetat, portalet dhe agjencitë e lajmeve në asnjë mënyrë nuk do të identifikojnë fëmijët nën moshën 18-vjeçare të cilët janë të përfshirë në vepra penale, qoftë si dëshmitarë, apo të pandehur.
3. Trajtimi i rrëfimeve të tragjeditë personale duhet të zhvillohet me kujdes, ndërkohë që ndaj individëve të prekur nga tragjedia duhet pasur qasje mirëkuptimi dhe diskrecioni.

VII. Privatësia

1. Gazetat, portalet dhe agjencitë e lajmeve do t'u shmangen ndërhyrjeve dhe kërkimeve në jetën private të një individi, përveç në rastet kur ndërhyrjet apo kërkimet e tilla janë të nevojshme për arsye të interesit publik.

VIII. Korrupsioni dhe ryshfeti

1. Gazetarët nuk do të pranojnë poste, ryshfet apo cytje të tjera të cilat shkaktojnë konflikte interesi me profesionin e tyre, dhe të cilat komprometojnë kredibilitetin e tyre moral dhe profesional.
2. Gazetarët dhe redaktorët nuk do të pranojnë veprime të caktuara zemërgjerësie të cilat ndikojnë në pavarësinë e tyre profesionale.

IX. Të drejtat e autorit

1. Botuesit, redaktorët dhe gazetarët në asnjë situatë nuk do të insistojnë në pronësi mbi lajmin.
2. Publikimet mund të përdoren arsyeshëm, me citate të kufizuara materialesh nga publikimet tjera apo nga pronarë të së drejtës së autorit, pa leje të shprehur të tyre për ta bërë një gjë të tillë. Megjithatë, botimi i gjithë materialit në fjalë do të mund të realizohet vetëm pas lejes paraprake të mbajtësit të së drejtës së autorit.

X. Reklamat dhe Sponzorizimi

1. Reklamimi komercial e politik, si dhe materiali sponzorizues - përfshirë këtu edhe artikuj e shtojca - duhet të dallohet qartë nga përmbajtja editoriale dhe të identifikohet si i tillë.
2. Materiali i sponzorizuar do të tregojë qartë burimin e sponzorizimit.